



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm III. Is qui.

[urn:nbn:de:hbz:466:1-62559](#)

§. Verùm.

A Nte litis contestationem dominus Procuratorem (nisi in rem suam datus sit) liberè reuocare potest; non item post litem contestatam, nisi rationabilis reuocandi causa subsit, ut quia inimicus domini redditus, vel alia ratione suspectus est, aut aduersarij affinis, vel haeres factus; item si eum Religionē ingredi, in longinquas terras abire, & gritudine aut vinculis detineri contingat. Coſentit I. ante litem, 17. & seqq. ff. de Procurator. & I. procuratoribus, 22. C. eod. Veruntamen procurator, si domino, etiam post litis contestationem remouere volenti, resistat, & operam suam inuitu ingrat, eo ipso ſuceptū ſe reddet. Quare ad hoc tantum petere potest, ut cauſa remotionis cognoscatur, ut famam suam illæſam cōſeruet, l. quæ omnia, 25. ff. eod. **Q**uod si vero aduersarius, quocum lis contestata vel aliter inchoata eſt, procuratorem mutari nolit, tum cauſa cognoscenda erit ad hoc, ut appearat, remouerine procurator debeat, necne, ſicuti Gl. docet, ver. ſuceptū,

Porrò ſi procurator absque culpa ſua remouetur, præter alias expenſas etiam ſalariū præſtandum eſſe, docet Bartol. in I. post litem, ff. eod.

Corollarium. Neque ipſem procurator recedere potest post litis cōtestationem, niſi neceſſarium impediſmentum accidat, ſicuti notat Gl. Ioann. Andr. in c. seq. ver. ſuceptū. Sed ante litis contestationem, ad eoque dum res integra eſt, procuraſionem resignare potest: niſi reus pro procuratore ſciente & non contradicente ſatisfideſerit, ſeu fideiuerſerit iudicatum ſolui, tunc cogitur procurator ad iudicium accepientum, ſeu litem cōtestandam, l. ſi defunctus, 15. ff. eod.

Porrò quomodo iudicij instantia, ſeu litis proſecutio, à procuratore, quocum lis cōtestata erat, in nouum procuratorem, vel ipsum dominum per ſe agere volentem transferri poſſit, explicat Bartol. in I. mutari, 24. ff. eod. Ancharan. hic not. 3. Videlicet ut noua litis cōtestatio fiat, ſecundūm Gl. margin. cit. I. mutari. Vel ut procuratorius instantiae alteri cedat, l. in cauſa, 26. ſ. Si ex parte, iun. Gl. margin. ff. eod.

TAmetsi procurator, quocum lis cōtestata eſt, non remoueatur, potest tamen ipſe dominus vna cum procuratore iudicio adere, præſertim ſi collusionem aliquam fieri ſuſpicetur. Quærit Gl. hīc, ver. adere: Ad quidnam proſit domino, ſi in iudicio cum procuratore adſit. Reſpondet; **Q**uia teſtes, & probationes adducere poterit, quas procurator omittet. Vel ipſe met procurator teſtes & probationes, quas dominus volet, exacte produci curabit. Vide Baldum in ſuprā cit. I. procuratoribus.

QY R E S denique: **Q**uid ſi dominus ante latam ſententiam moriatur, finiturne mandatum procuratoris: aut, ſi non finitur, cuius vicem ſeu locum ille gerit? Reſpondeo ex I. nulla, 23. C. eod. Per mortem domini, procuratoris mandatum, & litis instantiam non finiri. Quare ſi ſententia contra eum formanda erit, tanquam contra procuratorem hæredis, formanda erit, ſicuti Baldus monet cit. I. nulla, n. 5.

C A P I T U L U M III.

Is qui.

Procurator qui per facultatem à domino acceptam aliud ſibi ſubstituit, reuocare non potest ſubstitutum, poſtquam iſi mandatum ſuceptum. Præterquam ſi procurator etiam reuocandi potestatem à domino accepere. Tametsi aliud dicendum ſit de delegato Sedis Apoſtolice; quippe qui cauſam à subdelegato arbitratu ſuo reuocare potest, ſi res adhuc integra eſt, c. quamuis, 6. de officiis, delegati, in 6.

Rationem diſcriminis inter procuratorem & delegatum Sedis Apoſtolice dare poſſumus ex doctriña Laurentij apud Zabarelli. in Clem. vlt. col. 5. de Procur. **Q**uia delegatus potestatem ſubdelegandi habet à lege. At vero procurator ad lites ſubstituendi facultatē à lege non habet, ante litis cōtestationē, ſed eam ab homine accipit. **Q**uamobrē, ſi ſolum ſubſtituendi, non etiam ſubstitutum

Hhhh reuo-

reuocandi à domino facultatem acceperit, posteaquam substituit, officio suo functus censetur.

Quamobrem hoc c. locum non habet, si Procurator post litis contestationem alium iure suo substituat, iuxta c. i. §. licet, hoc lib. & tit. Nam eodem iure reuocare eum, atque causam reassumere poterit, si res integras sit, seu iudicium necdum in eum translatum: At verò post litis contestationem, aut aliter iudicio coepo per institutum, reuocare eum potest, causa reuocationis prius cognita, sicuti dictum est suprà c. 2.

S. Verùm.

Si procurator ad causas plures vel omnes constitutus in una earum alterum substituerit, in alijs causis procuratoris officium exercere non prohibetur. Ratio est manifesta, quia tametsi substitutus sibi procurator in una causa, retinet tamen potestatem, nec est functus officio suo in alijs causis.

CAPITVLVM IV.

Qui ad agendum.

Procurator generalis, tametsi cum clausula constitutus sit, vt omnia expedire possit, etiam si speciale mandatum exigant, ex vi huius generalitatis admitti non debet ad aliquem articulum, in quo speciale mandatum requiritur.

Ratio reddi debet: Quia hoc ipso quod iura ad quædam præstanta speciale mandatum exigunt, non sufficit commissio generalis, & non specificata. in c. vlt. q. vlt. de offici. Vicarij in 6.

S. Sed si quis.

Si in procuratorio mandato unus vel plures articuli ex ijs, qui speciale mandatum requirunt, expressi sint, adiecta clausula generali, tunc etiam ad causas non expressos procurator admittendus est.

Exemplum est: Si constitui procuratorem ad iudicia, data ei plena potestate, ita

vt etiam transfigere possit, & alia omnia præstare, quæ mandatum speciale exigunt, hoc casu admittendus etiam est, si iuramentum parti aduersariæ deferre velit. Sed declarandum, ac limitandum est primò, Quod clausula illa, & alia, extéditur tantum ad similia & minora, non item ad maiora expressis, iuxta c. Sedes, i. 5. de rescriptis, & habetur expressè in Clem. 2. hoc tit. Si procurator constitutus sit ad agendum, & defendendum, atque iurandum de calunnia, & alia omnia agendi, quæ speciale mandatum requirant, quod vi huius mandati electo, contra quem in iudicio agit, obijcere non possit crimina seu defectus, vt quod sit homicida & irregularis. Quia causa ista gravior est, quam sit facultas de calunnia iurandi in animam domini, c. vlt. de iuram. calumnia, in 6.

Declarandum est secundò. Quod expressio articuli specialis fieri debeat per modum permissionis, vt in proposito exemplo: Non autem per modum exceptionis: v. g. Constituo Titum procuratorem generaliter ad omnia, exceptio quod transfigere non possit; vi huius excipientis particula, (quippe quæ non augendi, sed diminuendi causa apposita censetur) alia similia efficere non possit, vti Gl. margin. hic monet, & docuit, c. vlt. q. 3.

S. PROCURATOR.

Non potest procurator absque mandato speciali iuramentum aduersario deferre ad litis decisionem, nec transfigere, aut pacisci: nisi bonorum, vel causæ libera administratio ipsi commissa sit.

Pro intellectu aduerte: Quod Procuratoris officium, cum species mandati sit, ad pluram non extendat, quam iussum fuerit, iuxta l. diligenter, mandati. Quare si procurator ad lites constitutus sit, agere ac defendere potest, sicuti litis instantia exigit. At verò pacisci, transfigere, vel compromittere non potest, cum hæc ad iudicia per se non pertinent. At verò administrator bonorum, seu iurium, si cum libera seu plena potestate da-

tus